

Guðmundur Ingi Guðbrandsson umhverfisráðherra
Umhverfisráðuneytið
Skuggasund 1
101 Reykjavík

Reykjavík, 17. apríl 2020

Erindi: Lög um sorpflokkun

Fyrr á árinu tilkynnti Guðmundur Ingi Guðbrandsson umhverfisráðherra að hann hygðist mæla fyrir lagabreytingum um að flokkun sorps verði samræmd á landsvísu.¹

Málefnaþing ÖBÍ um aðgengi styður þær fyrirætlanir og leggur áherslu á mikilvægi þess að sorp sé flokkað á sama hátt og að uppröðun flokkunaríláta sé jafnan eins á landsvísu til að auðvelda fötluðu fólki, blindum og sjónskertum aðgengi að flokkun sorps. Samræmd uppröðun myndi einnig gagnast öðrum, svo sem fólki með þroskahömlun og heilaskaða. Flokkunarílát eru aðeins helst aðgreind með litum.

Í dag er engin umgjörð um samræmingu við sorpflokkun og það fer eftir þjónustuaðila hvað má fara í tunnurnar og hvaða litir tákna hvað.

Það er ruglingslegt fyrir flesta að reyna að átta sig á mismunandi flokkunarreglum eftir því hvar maður er staddur á landinu, en fyrir blint og sjónskert fólk er það sérstaklega erfitt óháð því hvar það er statt. Litaflokkun gagnast því ekki og þar sem ílátin eru jafnan ekki aðgreind með öðrum hætti og raðast upp eftir hentisemi verður flokkun sorps mjög erfiðleikum háð.

Málefnaþing ÖBÍ um aðgengi leggur til að ekki aðeins verði flokkun sorps, þ.e. hvað fer í hvaða tunnu, samræmd á landsvísu heldur einnig að skylt verði að raða upp sorpílátum með sama hætti alls staðar þar sem sorp er flokkað, alls staðar á landinu.

Það á meðal annars við um tunnur við heimili, grenndargáma, á vinnustöðum, í verslunum og veitingahúsum og í sumarbústaðarhverfum.

Einfaldast er að miða við að almennt sorp sé til vinstri, svo komi tunnur fyrir flokkun eftir algengi, svo sem pappír, plast, gler og málmar, ávallt í sömu röð.

Um leið og málefnaþing ÖBÍ um aðgengi hvetur ráðherra til að útfæra þessar kröfur í fyrirhuguðum lagabreytingum um flokkun sorps er hann tilbúinn til að koma nánar að þeirri vinnu.

Bendum á 8. gr. um vitundarvakningu og 9. gr. um aðgengi í samningi Sameinuðu þjóðanna um réttindi fatlaðs fólks og á heimsmarkmið Sameinuðu þjóðanna, sérstaklega um ábyrga neyslu og framleiðslu og sjálfbærar borgir og samfélög.

¹ https://www.mbl.is/frettir/innlent/2020/02/19/hefur_ahyggjur_af_falsfrettum/

Ekkert um okkur án okkar!

F.h. málefnaþóps ÖBÍ um aðgengi

Virðingarfyllst,



Þuríður Harpa Sigurðardóttir
formaður ÖBÍ



Ingveldur Jónsdóttir
formaður málefnaþóps ÖBÍ um aðgengi